

Cynnig i gau Ysgol Gynradd Cilfynydd ac Ysgol Uwchradd Pontypridd a chreu ysgol 3-16 oed newydd ar safle presennol Ysgol Uwchradd Pontypridd

Asesiad o'r Effaith ar y Gymuned

Mae'r asesiad yma wedi'i lunio yn unol â chyfarwyddyd yn Atodiad C o'r cylchlythyr cyfarwyddyd statudol newydd 011/2018, Cod Trefniadaeth Ysgolion, a fydd yn cael ei roi ar waith o 1 Tachwedd 2018.

Bydd ymgynghoriad ar y cynnig yma'n cael ei gynnal rhwng 15 Hydref 2018 a 31 Ionawr 2019, yn rhan o ymgynghoriad ehangach sy'n ymwneud ag ad-drefnu'r ddarpariaeth ysgol yn ardaloedd Pontypridd a'r Ddraenen Wen yn Rhondda Cynon Taf. Mae dogfen ymgynghori fanwl wedi cael ei dosbarthu i bob ymgynghorai penodedig. Mae copi'au wedi cael eu hanfon i Lywodraeth Cymru, er mwyn cydymffurfio â chyfarwyddyd yr ymgynghoriad a'r cyhoeddiad. Mae'r ddogfen yn nodi bod yr holl Aseidiadau Effaith gofynnol ar gael a sut bydd modd i ymgynghoreion gael gafael ar y rhain os bydd angen.

Dyma'r ganran o ddisgyblion (ar hyn o bryd) sy'n mynychu'r ysgolion yma ac sy'n byw yn eu dalgylchoedd perthnasol:

- Ysgol Gynradd Cilfynydd – 90%
- Ysgol Uwchradd Pontypridd – 68%

Mae nifer gymharol fawr o blant (30) sy'n byw yn nalgylch Cilfynydd yn dewis mynychu Ysgol Gynradd Coedpenmaen, sydd oddeutu milltir o Ysgol Gynradd Cilfynydd. Mae'r nifer yma'n cynrychioli 27% o nifer y plant oedran statudol sy'n mynychu Ysgol Gynradd Cilfynydd ar hyn o bryd.

Ar hyn o bryd, mae Ysgol Gynradd Cilfynydd yn cynnig clwb brechwast i bob disgybl; byddwn ni'n argymhell bod y ddarpariaeth yma'n parhau yn yr ysgol 3-16 oed newydd os caiff y cynigion yma eu cymeradwyo.

Dydy Ysgol Gynradd Cilfynydd ddim yn cael ei defnyddio y tu allan i oriau'r ysgol gan sefydliadau cymuned; dim ond grwpiau sy'n ymwneud â'r ysgol sy'n ei defnyddio (e.e. Cymdeithas Rhieni ac Athrawon). Mae'r ysgol yn cynnal clwb ar ôl yr ysgol ar gyfer ei disgyblion ar ddwy noson o'r wythnos.

Mae'r ysgol uwchradd yn cynnal rhaglen lawn o weithgareddau allgyrsiol ar ôl yr ysgol bob dydd. Bydd holl gyfleusterau'r ysgol uwchradd bresennol ar gael i'r plant iau eu defnyddio (dan oruchwyliaeth) ac oherwydd hynny, bydd rhagor o gyfleodd ar gael iddyn nhw o ran gweithgareddau ar ôl yr ysgol.

Mae neuadd chwaraeon ar safle'r ysgol uwchradd sy'n cael ei defnyddio i raddau helaeth gan grwpiau cymuned y tu allan i oriau'r ysgol; fydd y cyfleuster yma ddim yn newid o ran y ffordd mae'n cael ei drefnu a'i redeg o ganlyniad i'r cynigion yma.

Mae'r cynnig yma'n ceisio gwella'r adeiladau a'r cyfleusterau sydd ar gael i ddisgyblion oedran Cynradd ac Uwchradd sy'n byw yn ardal Pontypridd a darparu ar gyfer pob plentyn a all fynychu'r ysgol yn y dyfodol o'i dalgylch (a fydd yn wahanol i adrannau Cynradd ac Uwchradd yr Ysgol 3-16 oed newydd arfaethedig). Dydy hon ddim yn ardal wledig, ac mae'r ffaith bod ysgolion a chyfleusterau cymuned eraill o fewn pellter byr yn golygu nad yw hi'n angenrheidiol ystyried gwella cyfleusterau cymuned eraill yn yr ardal leol.

Y pellter rhwng yr ysgol bresennol a'r safleoedd ysgol newydd ar gyfer disgyblion a all fynychu'r ysgol 3-16 oed newydd yw dim ond 0.9 milltir; dyma'r pellter mewn car, ond ar droed, byddai'r pellter yn llawer byrrach, drwy ddefnyddio'r bont droed dros gefnfordd yr A470.

Fydd yr un cyfeiriad sy'n dod o fewn dalgylch yr ysgol gynradd yn gymwys i gael cludiant am ddim o'r cartref i'r ysgol yn seiliedig ar y pellter, oherwydd bod y cyfeiriadau pellaf o'r safle newydd i gyd o fewn y pellter cymhwyso, sef 1.5 milltir i ddisgyblion Cynradd yn Rhondda Cynon Taf. Y pellter o'r cyfeiriad pellaf ar ochr ddwyreiniol dalgylch Cilfynydd i safle Ysgol Uwchradd Pontypridd (Albion Court) yw 1.4 milltir mewn car a xx milltir ar droed. Dydyn ni ddim o'r farn y bydd y pellter yma'n rhwystro plant sydd am gymryd rhan yn y ddarpariaeth cyn, ac ar ôl, yr ysgol a fydd yn cael ei chynnig yn yr ysgol 3-16 oed newydd rhag gwneud hynny; bydd pob disgybl yn cael yr un cyfle i fanteisio ar y ddarpariaeth a'u hannog i gymryd rhan mewn cymaint o weithgareddau ag y maen nhw'n dymuno. Mae'r ffaith y bydd modd i holl blant oedran cynradd yn ardal Cilfynydd ynghyd â'u chwatorydd a'u brodyr hŷn yn yr adran Uwchradd fynychu un ysgol yn cael ei hystyried yn fantais i'r rhieni; ar hyn o bryd, mae'r ysgolion bron i filltir i ffwrdd o'i gilydd.

Bydd dalgylch adran Uwchradd yr ysgol newydd yn aros fel y mae ar gyfer Ysgol Uwchradd Pontypridd ond bydd dalgylch Ysgol Gynradd Coedpenmaen yn cael ei ychwanegu. Bydd ardal y Graig ym Mhontypridd hefyd yn cael ei gynnwys. Bydd cludiant yn cael ei ddarparu ar gyfer plant yn unol â Pholisi Cludiant i Ddisgyblion y Cyngor sy'n weithredol ar adeg trosglwyddo'r ddarpariaeth i'r ysgol 3-16 oed newydd. Bydd asesiadau yn cael eu cynnal yn unol â'r ddeddfwriaeth sydd mewn grym ac yn cynnwys cymhwyso'r meini prawf pellter a llwybrau peryglus, os ydyn nhw'n berthnasol.